





H. XIII. 8

Nova-Tacina. Litera.

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Inenicum sive de differentiis Religionum conciliandi
Comentatio.

D. O. M. A.
Miscellaneorum
DECADIS III.
EXERCITATIO V.

Ad 28

De

TEMPER-

RANTIA ET FORTITUDINE.

Practico-Philosophica.

*Pro disputationis exercitio ad sententiarum
collationem proposita*

In Gymnasio Gedanensi

PRÆSIDE

HENRICO NICOLAI

Phil: Professore Publico.

Respondentis partes expediente

MICHAELE GLAGOVIO

Regiomontano Borussio.

Ad diem 6. Februarij. S. N.

In Acroaterio Philosophico

Horis ab 7. matutinis.

GEDANI. Typographo GEORGIO RHETIO ex-
scripta. ANNO 1638.

D. O. M. A.
Miscellaneous

Probatio V.
D.

J. E. M. P. E.

R. A. N. N. A. E. T. P. O. R. T. I. C. I. O.

Probatio V.

Probatio V.

Probatio V.

J. E. M. P. E.

Probatio V.

Probatio V.

Probatio V.

Probatio V.

Probatio V.

Probatio V.

Probatio V.

De Temperantia^A & Fortitudine.

I.

BLanda voluptatis natura est, compitaq; sed fallax, & incautos subit, ac in nassam irretitos deducit. Venusta est, sed insidiosa meretrix: Voce, vultu, gestu, indumento, inescans. Suavis est, sed fragilis: fastidit objecta, quò avidius hausta est, citius in contrarium recidens: Cujus subinde necesse est, aut pœniteat, aut pudeat. Quò admittitur, animum & corpus corrumpit: ac ubi subsedit, nihil tolerabile relinquit. Smindyrides ex Sybaritarum civitate fodientem vidit, atq; aliùs rastrum allevantem: & lassum se fieri questus, vetuit operi in conspectu suo incumbere, narrante Senecà l. 2. d. ira. c. 25. Venientes voluptates blandiuntur: abeuntes luctum & dolorem relinquunt. Et meritò de illis dicas: Delectat & angit. Remedio hic opus, quo adversum blandimenta earum contendas. Illud temperantia sufficiet, quæ voluptatibus imperat. Alias odit atq; abigit: alias dispensat & ad sanum modum redigit: nec unquam ad illas obitas tantum venit. Ut fortitudo animum adversus illa armat, quibus ab officio quis deterreatur: sic temperantia munit contra illa, quibus ab eodem blandè possis abduci. Virig; in vitâ virtuosâ incumbendum. Et abigenda voluptates: & pavor nimius animo evellendus. Ne aut timor occupet, cum timendum

non est: aut nimius, ubi modum timori posuisse conveniens est. Quid enim ratione timeamus Aut cupimus? rectè Satyrus sat. 10. Hic medium à fortitudine sumes, habitu terribilia edomante, modumq; ponente. De hoc eleganter Idem c. 1. Fortem, inquit, posce animum, & mortis terrore carentem, qui spatium vitæ extremum inter munera ponat Naturæ, qui ferre queat quoscunq; dolores: Nesciat irasci, cupiat nihil, & potiores Herculis ærumnas credat sævosq; labores, Et Venere, & cœnis, & plumis Sardana-pali. Adeundem sensum pulchrè Horatium l. 2. sat. 7. vide. Virumq; habitus naturam in argumentum præsentis diatribes cum DEO insumemus.

2. Virtus moralis particularis primaria, usitato gradu spectata, possidentem respectu sui absolute perficiens, temperantia & fortitudo est, ut d. 3. t. 17. dictum. Ha possidentem respectu sui dicuntur perficere, non quasi cetera virtutes morales particulares, ut liberalitas, modestia, justitia particularis, &c. non perfectionem conciliarent ipsi subjecto, in quo sunt, & quod illas exercet, sed alij ab illo: sic enim quævis virtus moralis primario perfectionem subjecti proprii intendit, ut illud moratum, civile, & civiliter tandem beatum reddatur, eoq; virtutem moralem à justitiâ universâ differre dictum est d. 4. t. 7. 25. Quod virtus primario perfectionem subjecti proprii intendat: justitia Univ: communitalis publica, & eorum, quibus cum in societate civili & publicâ conversandum nobis est: Sed quod actus temperantia & fortitudinis potius in agente & subjecto proprio terminetur, quàm alieno: Actus a. liberalitatis, urbanitatis, veracitatis, justitiæ particularis, modestia, potius in alieno subjecto terminetur, quàm proprio. Liberalitate juvatur magis alius, quàm nos: Idem in justitiâ & modestiâ fit, Temperantiâ

& fortitudine iuvamur proximè nos ipsi, non alius. Honestas actus & perfectio moralis in agente & subiecto virtutis proprio est: Terminus actus & fructus quarundam virtutum potius in patiente & alieno.

3. Temperantiam præmittimus fortitudini, partim, quia prius in subiecto morali requiritur temperantia, quàm fortitudo; prius enim mentem à malis affectibus tueri necessum est, quàm urbem ab hostibus, Vt Cassius loquitur l. 3. Sp. mo. c. 10. Et prior ordine natura est cupiditas nutriendi & generandi, quàm audendi aut irascendi: partim, quia voluptates vincere longè difficilius, quàm hostem superare est, sub blanditijs enim irrepunt, t. 1. & nullæ capitales illis sunt pestes: meliorq; qui animo dominatur, expugnatore Urbium. Prou. 16. v. 32. partim, quia multarum Virtutum fundamentum est, ut Cicero vocat ap. Velsten. d. 6. Eth. q. 1. Dignitatis & præstantia ordine fortitudo antecedere potest. Ita præmittit eam Aristoteles 3. Nicom. c. 9. & præmittendam putant P. Martyr. in l. 2. Nicom. c. 7. Acciaolus in l. c. Piccolomin. gr. 4. c. 51. Eustach. S. Pauli p. 3. Eth. tr. 3. f. 3. q. 1. alijsq; Sed ipsa temperantiæ tractatio nominalis & realiserit. Nominalis 1. In Homonymia, ubi interdum Metaphoricè etiam brutis tribuitur. Sic aquila temperans dicitur Aeliano l. 1. c. 6. quòd sitim patiat: interdum synecdochicè pro magnâ virtutum moralium parte sumitur. Vnde Cicero 5. Tusc. quæst. §. 42. temperantiâ omnium commotionum moderatricem vocat. Et Græci σωφρονα hominem frugi & probum dicunt, qui & aliàs temperans vocatur. Ita Jonstonus omnes virtutes nosmet ipsos spectantes temperantiam vocat, & sub eâ autophiliam, abstinentiam & castitatem, sedulitatem, sufficientiam, modestiam, fortitudinem, continentiam, mansuetudinem, &c. comprehendit.

1. 2. Ench. Eth. c. 2. mem. 2. Alstedius Sys. Eth. I. c. 14. *par-
simoniam, vigilantiam, verecundiam & honestatem vel cul-
tus modestiam sub illam redigit. Interdum propriè pro vir-
tute voluptates gustus & tactus moderante sumitur, ut hoc lo-
co. 2. In Etymologiâ, qua Logica nulla, quia vox ultima-
rè abstracta: Grammatica à temperando, quòd officium ejus
sit, voluptates quasdam corporis temperare, quòd est q. ad tem-
pus suum, i. e. ordinem modumq. reducere, ne nimium, ne
nimis citò aut serò exerceantur. 3. In Synonymiâ, quâ Gra-
cis σωφροσύνη, quasi σώζουσα τὴν ψυχήν vel φρονεῖν, conser-
vans mentem a. prudentiam dicitur, quia custos ingenij &
mentis est. Vnde illud: anima sicca anima prudens. Hebraicè
פִּנְקִיפָא à rad. פָּנָק, & in hispael הִתְפַּנֵּק, Continuit, repres-
sit se. Item עָצַר ab עָצַר continuit, coërcuit, occlusit. &c.
Germanis Mässigkeit / Mächterkeit. Valla l. 4. eleg. c. 4.
continentiam pro Synonymo temperantiae habet. Sed proprio
Philosophorum significato continentia Virtus non est, sed semi-
virtus, laudabilis acquisita dispositio, qua via ad completio-
nem & terminum esse queat, qui temperantia. V. l. 4. Nicom.
c. 15. Conf. d. 9. t. 13.*

4. *Realis temperantiae consideratio vel absoluta erit in
definitione, divisione, & subjectis: vel respectiva in cognat-
is & oppositis.*

5. *Definitio hac sit. Temperantia est virtus mora-
lis directâ, mediocritatem circa voluptates gustus &
tactus urendo vel carendo servare faciens.*

6. *Genus ejus est virtus moralis directâ. Verum hoc
genus esse patet 1. à definitione Virtutis moralis d. 3. t. 4.
traditâ, qua temperantia competit, ut per partes patet. 2.
Ab opposito ejus, intemperantiâ. Illa est vitium morale,
Excessus enim & defectus in persecutione voluptatum gustus
& tactus est vitiosus & vituperabilis. E, medium circa illas
ser-*

servare erit virtuosum & laudabile, & consequenter habitus illud medium servare docens erit virtus moralis. At is est temperantia. Ergo. Differentia à formali ratione & objectis, circa qua versatur, est sumpta. Ex formali ratione dicitur mediocritatem servare faciens circa voluptates gustus & tactus. Mediocritatem servare facit, h. e. redigit usum, amorem, & desiderium voluptatum ad prudentem moderationem, & ratione objecti, & ratione modi utendi objectum. V. c. 7. ne aut nimius ille sit, quàm par est: vel minus necessarius, ac par est. Dicitur servare facere magis, quàm absolute, servare: Nam virtutis est, inclinare & movere ad servandum medium: habitus enim inclinant, movent & faciunt ad agendum; Actus ipsi servant medium, Virtutes morales sunt habitus servare medium facientes & inclinant. Illud medium servare facere & redactio ad moderationem esse debet quoad inordinationem, quoad intensionem, extensionem, protensionem, modum: non totalis appetitus ad voluptates eradicatio aut evulsio. Rectio a. voluptatum in temperantiâ fit & rectæ rationis præscripto, ut oblatis voluptatibus non statim appetitum sequamur, sed prius attendamus, quid, quantum, quamdiu, qualiter eas usurpare recta ratio, perpetuum dirigens & comes mediocritatis virtuosæ, dis. 3. r. 12. 14. dicet & præscribat: & privati illis aut totaliter eas contemnamus, aut modèratè appetamus, non ultra honestatem. Nam recta ratio & voluptatib. absentib. moderatum desiderium, & presentibus prudentem indicit usum. Cogitandum hic: Non natos nos ad cibo. potusq. percolandos, sed domandos affectus. Vid. Senecam præf. l. i. na. qu. Et appetitus obsequio, ut rationem sequatur appetitus, & harmonia sit inter rationem præscribentem & appetitum exequentem: & exemplorum similium vel oppositorum confor.

sortio, ut exempla præstò sint vel temperantium, indequè honestatis laudem adeptorum; ut Catonè, Scipionum, Xenocratis, Themistoclis, Socratis, Philini, Johannis Baptiste, aliorumq̃, quorum farrago ingens in Polyantheis, Valerio M. l. 4. c. 3. 5. Apolephte p. 1. erquicst. p. 525. 626. seq: Camerar. C. 2. c. 35. 36. Drexelii Nicetâ, alijsq̃ reperitur: Vel intemperantium indequè vituperatorum, quibus ad temperantiam validè nos incitari posse respondit Anacharsis Philosophus ap Laertium in vit: Phil: Ita Lacedæmonii servos ebrios in conspectum juvenum ducebant, ne ineptos eorum mores abominati temperantia suescerent. Erasmi. l. 2. apophth. §. 25. Horum exempla ap. Valerium l. 9. c. 1. Apolept. c. 1. p. 602. seq: aliosq̃ suppetunt. Christianus insuper scripturæ præceptum considerabit, temperantiam jubens, contrarium prohibens. I. Pet. 5. v. 8. Ephes: 5. v. 18. 1. Thess. 4. v. 3. 4. Heb. 12. v. 14. Aliaq̃ media Theologica adhibebit, de quibus D. Brochm. T. 2. L. C. p. 212. Alstedius Th. Cas c. 19. Amesius l. 3. d. Consc. c. 15. alijsq̃ videantur. Magistratus etiam in Republicâ leges temperantia figet, intemperantiam prohibebit. Ita ap. Romanos leges sumptuaria in edulys, Orchia Fannia, Didia, Licinia, Cornelia, Antonia, erant. Apud Athenienses Oenopta, quid quisq̃ in convivio biberet, observabant. Athæneus l. 10. c. 7. specialia temperantia media regulasq̃ ex Senecâ, patribus alijsq̃ excerptas V. ap. Jonstonū l. 3. ench. Eth. c. 2. m. 4.

7. Ex objectis dicitur, circa voluptates gustus & tactus. Objectum Temperantia est primum & præcedens, & secundarium ac consequens. Primum, circa quod principaliter & per se temperantia versatur. Et est voluptas gustus & tactus, ejusq̃ amor, desiderium & oblectatio. Voluptas hic non sumitur generalissimè, ut abstrahit à voluptate corpo-

riū & animi, spiritali & corporali, honestā & inhonestā, quomodo Dec. 2. d. 6. de illā actum: Nec specialissimē, quomodo consequens aliquod summi boni moralis in Ethicis est, jucunditas quadam perfectā operationem Virtutis subsequens, & d. 1. t. 24. est tacta: Nec generaliter, quomodo voluptatem physicā & corporeā in genere & secundum omnes s. sensus exteriores spectatam comprehendit: Sic enim aliqua honesta esse potest, ut voluptas ex suavi Musica auditu, venustā picturā, suavi odore & fragrantia percepta: Nec ex hac solitarie & per se aliquis dicetur intemperans, si nimius in ea sit, Vt si suavem Muscam nimis audiat, elegantem picturam nimis adspiciat, gratum suffitum nimis olfaciat: Sed per accidens & secundariō tantum, ut si nimium auditum, visum, & odoratum ad illicitum gustus tactusq. accommodet, venustam picturam inspiciat, ut libidinib. turgescat, odorem vini exploret, ut ingluviem exsaturet; ut d. 6. dec. 2. t. 18. dictum: Sed partialiter & secundum sensum tactus & gustus: Tactus primariō, quatenus in eo materialis objecti est perceptio & accommodatio, ut in Venere: gustus secundariō, quatenus & in illo materialis & solida alimenti est absumptio, qua ingluvies dicitur, non quā nuda saporis in gustu est discretio: Vt si quis pitissando saporem vini discernat, interim reali ejus corpulentia & copia ad ebrietatem usq. se non ingurgitet, non dicetur intemperans. Sed ab ingluvie & materiali cibi aut potus absumptione intemperans quis dicitur, quomodo Philoxenus guttur gravis sibi exoptabat, ut voluptatem ingesti cibi & potus diutius persentiret, ap: Aristot. 3. Nicom. c. 13. & gustum tactum quendam esse l. de sensu c. 2. dicitur. Ita ratione tactus est intemperantia.

8. Sed hoc iterum non ratione corporis totius & singulorum membrorum, quibus tactus competit; nam ita in
mul-

multis membris voluptas aliqua exerceri potest, ut inde non fiat moralis vitiositas, nec inde moraliter intemperantes dicamur. Ita frictiones membrorum, scapularum, lacertorum, crurum in balneis esse possunt, sanitatis, munditiei, roboris gratiâ, ut inde intemperans nemo dicatur. Ita inter 6. res non naturales Medici corporis frictionem referunt. Sic in palastrâ membra perfricari possunt ad agilitatem & firmitatem conciliandam, nullo metu intemperantia: Sed partialiter & ratione certorum membrorum, Oris quâ cibum & potum, & pudendorum, quâ Veneriam impuritatem: Quâ istis membris voluptatem adhibemus non cum modo & medio, quomodo naturaliter & sine vitio appeti potest necessarius cibus, potus, & in competente aetate licita Venus: Sed sine modo & medio rectæ rationis, quâ vel voluptas in objecto illicito queritur: vel in licito modo illicito. Hac voluptas ratione oris & pudendorum specialiter facit intemperantiam. In objecto illicito, cum appetuntur ea, quæ fas non est per prudentem rationem appetere. Sic adulteri uxores aliorum appetunt. Semiramis filij concubitum appetijt. Justin. l. 1. Phadra Hippolyti priuigni. Senec. in Hippol. Antiochus Stratonices noverca amore exarsit. V. Coroll. dec. 1. d. 5. Idem in Sodomitis & paderastis contingit. In objecto licito modo illicito, cum modus & circumstantia non, prout à rectâ ratione præscribuntur, observantur. Sic cum plus cibi aut potus assumitur, quàm ad pellendam famem & sitim satis est. Sic cum Promachus nimium vinum bibit, ut coronam talenti obtineret: Cum quis uxore propriâ ad lasciviam & libidinem abutitur, quod ex sententiâ Xysti cujusdam Pythagorici Hieronymus l. 1. c. Jovin. c. 5. adulterium vocat. Adulter ait, est in suam uxorem amator ardentior. Et Ambrosius l. d. Philos. Vxoris adulterum appellat, qui in usu conjugali honestatis nullam

*nullam rationem habet. Sed abusus est vocis adulterij. Vt in bono proprio furtum non est: Sic nec in carne propriâ licitavè adulterium. Lascivia & impudentia est, non adulterium. Ita cum quis Venerem licitam tristitia publica, jejunijs & pœnitentia tempore exercet, quo indecorum est. Sic vetuit DEUS tempore sancienti decalogi mulieribus suescere. Exod. 19. v. 15. Apud Veteres tempore sacrificij 9. dies noctesq. sacerdotes mulieres edituas ab omni libidine abstinere oportebat Camerar. C. I. c. I. Romanicivem in carcerem truserunt, quòd tempore belli publici coronatus ex fenestrâ prospexisset. Claudius epulis intererat in æde Martis, quæ pro Salys Martis sacerdotibus parata erant, nec locus, nec tempus Casari conveniens erat. Suet. in Claud. §. 33. Cur tactus & gustus voluptates intemperantem faciant, visus & auditus non item, causa dicta est dec. 2. d. 6. t. 18. Et quî voluptas, res in se bona licitaq., ac à Deo naturaq., ordinariâ ejus dispositione, indita, à quibus nil nisi bonum, ita depravari queat, ut illicitâ fiat illicita, ex honestâ turpis, ex gratâ abominabilis re-
cta rationi, hic quari possit? Non additione & accretione id fit, bonum enim in se sui cremento essentiâ propriâ non defraudatur. Scalig. ex: 299. Sed detorsione & vitiatione. Vitiatur voluptas, cum inhonesta fit, non aggregatur: depravatur ab aversionibus nature non proprijs, sed equivocis. Ad objectum illicitum extensa, modo illicito occupata, alio fine trapta, priorem amittit formam, acquirit alienam, fitq. inhonesta. Conf. c. 1.*

9. Objectum temperantia secundarium & consequens est, circa quod per accidens & consequenter temperantia occupatur. Estq. dolor ex privatione voluptatis appetita exurgens. Vnde in definitione temperantia medium servare dicitur circa voluptates utendo & carendo. Dolor hic non

notat dolorem physicum, acerbitatem sensationis externa; aut
 cladem & tribulationem, qua interdum dolor dicitur, ut deca.
 2. d. 5. t. 3. dictum: qua moderatè ferre docet fortitudo, V.
 t. 23. sed moraliter tristitiam & aegritudinem aliquam, quā
 molestè carentiam absentis voluptatis ferimus, & praesentia
 ejus expetimus. Circa hunc temperantia versatur indirectè
 & per accidens. Nam cum voluptatum appetitum temperare
 debeat, consequenter & tristitiam de absentia illarum conce-
 ptam temperabit, ut compositè absentiam feramus, nec ultra
 fas ac modum praesentiam desideremus. Quomodo sufficien-
 tia & praesentes opes moderatè desiderare docet. Ita dolores
 absentium voluptatum temperabit temperantia, vel totali-
 ter contemnendo, vel moderatè desiderando. V. t. 6. Sic essen-
 tia temperantiae ex genere & differentiā excussa est. Quam va-
 riè alias circumscribunt. Cicero 2. d. inu: §. 38. firmam &
 moderatam in libidinem & prava animi motus dominatio-
 nem dicit, & sub eā continentiam, clementiam, modestiam,
 comprehendit. Sed hac latior desinitio desinitio est, & species
 heterogeneas subsumit, clementiam & modestiam, quae aliae à
 temperantiā virtutis species sunt. Zeno dispositionem insupe-
 rabilem eorum, quae sunt rectae rationis, dixit. Sed genus &
 differentia hic claudicant. Virtutes non sunt dispositiones, quod
 semivirtutib: competit: sed habitus dispositione & actibus fre-
 quentibus acquisiti, & complementum jam nacti. Nec diffe-
 rentia solius temperantiae in eo est, facere quae sunt rectae ratio-
 nis: sed commune formale hoc omnium virtutum moralium
 est, quae mediocritatem rectae prudentisq; rationis servant. V.
 d. 3. t. 14. Jonstonus loco t. 3. citato virtutem nos respicien-
 tem concupiscentias vel affectus moderantem definit. Sed &
 hac differentia laxissima est, & species à temperantiā alienas
 immisct, Vt t. 3. patet. Quaedam etiam pro speciebus virtu-

is habet, quæ veriùs principia temperantia & virtutum sunt, quàm species. Ut autophilia seu moderatus amor sui, quàm & Alstedius inter virtutes refert. Sy. Eth. 1. c. 5. & Timpler. 1. 2. Eth. c. 2. q. 2. Sed amor sui propriè principium aliquod remotum temperantia & alius virtutis est, quo ad habitus morales exercendos homo inducitur, pertinetq; ad naturam hominis, de quâ d. 3. t. 15. inter principia virtutis monitum. Ex moderato sui amore cultuq; oritur, quòd homo se virtute dignum judicet, adeoq; ad exercendam illam se accingat. Seipsum enim maximè quis per naturam amat. Arist. 2. Polit. c. 5. & proximus egomet mihi dicitur: ac ordinatam caritatem incipere à seipsa ajunt. Cato maximè hominem seipsum revereri oportere dicebat, quòd nullus unquam à seipso discedat. Erasmus 1. 5. apophth. in Catone sen. §. 9. Huc Ethnicorum γὰρ ἀσέως pertinet, & Augustini illud: Qui sibi malignus est, cui bonus erit? Ita qui in seipsum est parvus, sordidus, avarus, magis in alium talis erit. Sic amor proximi rigidè loquendo non est virtus moralis, sed vel ejus fructus, & ad amicitiam pertinet: vel principium, & facit, ut varia virtutes ipsa nobis exhibeantur.

10. Fuit definitio Temperantia: sequitur divisio. Temperantia ex speciebus & objectis vel est frugalitas vel castitas. Frugalitas est temperantia moderans gulam & alimentum. Estq; abstinencia & Sobrietas. Abstinencia, quæ alimentum cibi moderatur & quâ quantitatem & quâ qualitatem. Quantitatem, ut justo numero & mensurâ assumatur, non ultra. Mensura hæc citra variationem determinari nequit, sed ad diversitatem subjectorum ex prudentiâ rationis determinanda est. Milo bovem devoravit pro necessitate temperamenti, inde non intemperans dicitur. Alius infirmioris complexionis id agens omninò mensuram transcendit.

ret, & intemperans in edendo esset. Papista ad abstinentiam numerum unius comestionis per diem requirunt, idq; jejunium vocant, ut apud Thomam sec. 2. q. 147. a. 6. Valentiam T. 3. d. 9. q. 2. p. 3. Bellarminum l. 2. d. bon. op. c. 1. 2. Lesiū. 4. d. iust. & ju. c. 2. n. 9. Becanum, Costerum, Coronū, Andradium, aliosq; videri potest. Sed nec hoc præcisè præscribi potest, cum temperamenta sint varia: & ille etiam abstinens sit, qui bis per diem comedit, sed pauca. Nec numero comestionum, sed moderatione ciborum abstinentia definienda. Illud etiam audacius, quòd cibo semel per diem capto jejunij nomen imponant; cum in sacris jejunium totalis abstinentia a cibo sit: & cum dicitur, jejunasse usq; ad vespèram, ut Judic. 20. v. 26. 2. Sam. I. v. 12. c. 3. v. 35. terminus jejunij notetur, durasse nempe jejunium per diem usq; ad vespèram, per quod tempus nihil cibi assumpserunt: non autem cibo post vespèram assumpto etiam jejunium durasse indicatur. Nec ex sacris locus producietur, quo cibus semel per diem sumptus nomen jejunij mereatur. De qua pluribus D. Meisn. p. 3. P. S. f. i. c. 5. q. 1. D. Brochmandum L. C. d. jejun. c. 2. q. 2. 3. Chamierum T. 3. panst. l. 19. c. 2. Vorstium in T. 4. Bell. l. 2. th. 1. 2. aliosquè videas. Qualitatem, ut non curiosè delicatus cibus quaeratur solius delectationis & gula gratiā, nam & ita intemperantia committitur, & lurcosi Apitiij fiunt, qui suaviora sectantur solius suavitatis gratiā. An & humane carnes ultimā necessitate in usum dapum venire possint, hic queri solet? Id ap. D. Meisnerum c. l. q. 3. videas. Opposita ejus sunt & excessus, ut Voracitas, cum nimium cibi in numero, qualitate, i. e. nimia curiositate, & nimis delicatus, quàm statui convenit, sumendi modo, i. e. nimis festinanter & rapaciter sumitur. Tales Plautus tuburcinari vocat, grandes bolos properanter ingerere, nec mandere, sed mox glutire: Item cum circumstantijs in-

tempestivis, sepius, quàm oportet, loco non congruente, personis non decentibus, sumitur. Exempla eorum à polyantheis & Authoribus t. 6. citatis hauries: Et defectus qui vel affectata corporis maceratio, quæ rarò occurrit: vel jejunium, totalis ciborum abstinencia, & neglectus cibi, non delectus, in quo iterum jejunium locant Papista: *Ut si carnibus, ovibus, lacte, abstineant, interim delicatis piscibus, bellarijs, tragematis, fructibus, vino generosissimo ad saturitatem se distendant.* V. aucthores ante citatos. Quod merè hypocriticum, & nunquam in sacris jejunium vocatum est, de quo Aucthores allegatos consule. Locus in speciem Dan. 10. v. 2. 3. alienus hic est. Lugere suum ibi describit, non jejunare: & vino abstinuisse legitur, à quo non in suo jejunio Papista.

II. Sobrietas est temperantia, quæ alimentum potus moderatur quantitate & qualitate. Quantitate, ne nimium, quàm par est, potus sumatur. Qualitate, ne nimis delicatus eligatur voluptatis & gula gratiâ. Magna hujus effecta in homine sunt ratione & animi, quem vegetum servat: & corporis, cujus robur & sanitatem confirmat. Et ita vitam prolongat, eamq; verè humanam facit. De quo Polyantheas & Velitenium d. 6. Eth. q. 10. consule. Opposita ejus sunt excessus & defectus. Excessus, ut ebrietas sive ebriositas, consuetudo frequenter se inebriandi, quæ & quantitate ac numero committi potest, cum plus bibitur, quàm necesse est, quomodo Sybarita, Græci & Germani vitio temulentie famosi sunt, secundum illud cujusdam: *Ut nos (Germanos) dulce merum, sic Vos (Italos) Venus improba vexat.* Itemq; Poëta, secundum illud Horatij l. 1. Epi. 19. *Non cessare Poëta nocturno certare mero,* putere diurno: & qualitate ac bibendi modo, cum nimis cupidè, celeriter, rapim, delicatâ affectatione, confestim, ore patente, loco & tempore incompetente, potus ingurgitatur:

Et substantiâ, cum potus preciosior appetitur, ac nostro statui
 convenit: Et intentione, cum ob solam gulæ oblectationem bi-
 bitur. Extra hac poculum necessitatis, salubritatis, quod Paulus
 prescribit, 1. Timoth. 5. v. 23. Vbi quidam οὐκ ἔχει οἶνον non
 de quantitate, sed qualitate vini accipiunt, ut vinum dilutum
 & moderatum, non meracum & temetum intelligatur. V. Frn-
 stiū l. 2. observ. c. 4. Et hilaritatis concessum est. Pl. 104. v.
 15. Syrac. 31. v. 32. seq. Ita Joseph cum fratribus. Gen. 43. v. 34.
 Quidam etiam ebrietatis licitum esse putant, ut relaxetur a-
 nimus, ciciter vomitus, relevetur ab noxiis cruditatibus sto-
 machus, & ita sanitas servetur. Vnde Hippocrates semel in
 mense inebriari ad ciendum vomitum concessit. V. Salerni-
 tan. d. cons. val. c. 15. Avicennam quarta l. c. 13. Etiam
 Rhasis esse dicitur ap. P. Mesiam l. 3. Mem. c. 17. Sed non
 sunt facienda mala, ut eveniant bona. Alijs medijs vomitus
 cieri potest. Et tot cruditates ex ebrietate relinqui in corpore
 possunt, quot per vomitum egeri. Quidam literas felicius ab
 ebrjjs, quàm sobrijs, tractari putant. Hoc est luscus melius vi-
 dere dicere, quàm rectè videntes. V. Gutk. d. 6. Erb. q. 1. Fffe-
 ta ejus admodum sunt noxia cūm ratione corporis, tum ani-
 mi, ut stupor, oblitio, temeritas, litigandi cupiditas, Secreto-
 rum reclusio, faciei deformatio, lingua titubatio, membro-
 rum omnium labefactatio, libidinis irritatio, & similia, quæ
 pluribus apud Patres & Po:yantheæ scriptores videas: partim
 defectus, ut nimia potus abjectio, vitium, quod rarum inter
 homines est: Quo Encratia, Severiani & Eremita quandoq;
 laborarunt, ut vel vinum tanquam malum rejecerint, vel po-
 tum nimio modo averſati fuerint. Ita & Mago Cartaginen-
 sis, Laſyrta Laſionenſis, Andro Argenſis, Julius Viator Roma-
 nus sine potu vixerunt, etiam falsi utentes eduljjs. Moreau
 in Salernit. c. 15. Utrum vitium deterius sit, ebrietas, an vo-
 racis

racitas, queritur? R. Ebrietas, quia plurimum vitiorum in animo, & morborum in corpore causa est. Vnde in Theatro Diabolorum praeses Ebrietatis agmen ducit inter Diabolos, & mediante illâ contemptum Dei, sui, & proximi, in hominem inducit. Vnde quidam ebrietatem non tam peccatum speciale contra unum praeceptum, quàm totius legis violationem generalem faciunt. Amef. l. 3. cas. conf. c. 16. n. 6. Quamquam voracitas citius morbos mortemq; inferre queat, ob crassitiem ciborum, siccitatem, & difficultiorem inde concoctionem: plures tamen & nocentiores inducit ebriositas, tandemq; spiritum vitalem extinguit, & hominem interimit. An & intemperantia deterior timiditate, hic queri solet? Id discipulantem & pro affirmante concludentem V. Philosoph. 3. Nicom. c. 15. Strauchium C. I. qu. Eth. dec. 9. q. 1.

12. Castitas est temperantia moderans appetitum Venerium s. generativum. Dicitur etiam pudicitia, Verecundia, puritas. Estq; vel virginalis sive coelebs, quo in homine nondum conjugato exercesur, ut Josephi. Gen. 39. Hac si libera sit, ejus qui donum continentia habet, se satis probare possit, & legitimo sine exercesur, citra contemptum castitatis conjugali, probanda est: Improbanda, si coacta sit, aut in aetate imprudenter perpetuò promissa & votis astricta, aut illis imposita, qui dono continentia carent, nec satis se probare queunt, alieno finis meriti aut peculiaris cultus divini, & cum contemptu conjugij exercesur, ut coelibatus Papistarum solet. De hoc latè D. Gerhard. T. 7. §. 490. seq. vide. Iudei quidam & gentiles coelibatum in totum damnarunt. Sed contra scripturâ, Matth. 19. v. 12. 1. Cor. 7. v. 26. V. Gerh. c. 1. Vel conjugalis, quae in conjugio servat ordinem à Deo institutum, ut Susanna, Penelope, &c. Huic quidam haeretici Veteres, Pontificij, & nonnulli Patrum, nimij virginis admiratores, iniquiores interdum sunt, ut

ex variis emblematis statui conjugali infixis patet. & ap. D. Gerh. c. l. §. 27. 51. 52. 433. & T. 6. d. minist. §. 347. videri possunt: vel vidualis, quæ post conjugium munditiem animi servat, cujus exemplum est in turture. Divisio illa non est generis in species, sed accidentis in subjecta. Non est alia specifica essentia castitatis in conjugio, alia in viduitate, alia in coelibatu, sed eadem: Nam eadem mediocritas prudentia, eadem caritas in omnibus est: sed à diverso statu eorum, qui colunt eam, diversè nominatur; alia conjugalis, alia cœlebs, &c. quia quidam in conjugio, alij extra illud castè vivunt. Quomodo honorem alium consularem, alium Senatoriū dicere possemus. Castitatis radix consistit in corde, fructus in gestu, verbo, & opere. Nemo n. pudicitiam servat in corpore, nisi Spiritui prius instā castitate. Vt August. d. Virg. c. 8. ait. Nec ulla custodia satis est firma, nisi animus sit castus. V. Camerar. C. 2. c. 41. Optimum castitatis medium, primum amoris impetum repellere. Verè Seneca: Quisquis in primo obstitit repulit. quæ amorem, tutus ac victor fuit: qui blandiendo dulce nutrit malum, serò recusat ferre, quod subijt, malum. Hippoly. a. l. f. 2. Exemplum ejus egregium est Nicetas, juvenis Aegyptius, de quo ex Hieronymo Drexelium in Nicetā l. i. c. i. 2. consule. Opposita ejus sunt defectus & excessus. Defectus, & varietas & stupor, vel nimius Veneris omnis contemptus, cum nec necessaria corpori Venus admittitur. Talis in Michaelē Verduitt, de quo versus: Sola Venus lento poterat succurrere morbo: Quam se pollueret, maluit ille mori. Et in Casimire Regis Polonia Filio, qui mori maluit, quam fœmina admisceri, etsi Medici id suaderent, ut ex Cromero narrat Bellarm. l. 2. d. Mona. c. 32. Item in alijs, qui matrimonia contraxerunt cum fœminis, sed nunquam illis conjugaliter sociati sunt, Vt Henricus 1. Imp. cum Cunegundā uxore, Boleslaus

Ianus R. Polonia, Emmericus Hungariae, Eduardus II. Angliae ap. D. Höpfnerum in Sax. Euang. f. 3. p. 2. c. 6. Alfonsus Castus Hispania R. ap. Apolephi. p. 1. erquid. p. 570. Guido Vbaldus Urbini Dux nunquam feminam cognoscere potuit, & cum conjugē abstinenter vixit. Melander T. 1. jocos. c. 340. Huc pertinet & odiosa mulierum visuperatio, Vt cum Diogenes omnes mulieres ab arboribus suspensas optabat: & Euripides in canticis suis passim illas exagitabat: Cui tamen à quodam objectum, quod odisset mulieres in choro, amares in thoro, ap. Muretum l. 8. V. L. c. 21. Etiam violenta conjugij prohibitio huc referenda, de quā Paulus 1. Tim. 4. v. 3. & violenta membrorum castratio, quā corpori vis inferitur, ut ad Venerem quis sit inhabilis. Sic Origenes virilia sibi amputavit. Eusebius l. 6. c. 8. Alius Monachus Dusseldorpij idem sibi fieri praecepit. Wier9 l. 3. d. præ. dæm. c. 18. Sacerdotes Cybeles genitalia sibi abscondebant, ut casti viverent. Apud Athenienses quidam cicutam bibebant, ut vim genitalem amitterent. Camer. C. I. c. 1. Leo I. Papa manum sibi ulirò abscidit, quam mulier osculata fuerat, ne libidinibus ardesceret, Lanfius. or. con. Italiam.

13. Excessus est salacitas & libido, nimia in Venerem intemperantia. Hac vel interna est, ut libidinosa cogitatio, Match. 5. v. 27. & pravi affectus incensio, cum quis internis libidinis incendiis ardescit. Hac moraliter radices sunt exterrarum libidinum. Et moraliter impudicus est, qui impudicis cogitatis & ignibus intus exurit. Sine his libido involuntarie illata moraliter non vitiat, ut cum puella vi ab aliquo stupratur. V. Deuter. 22. v. 25. Huc valet illud: Mens impudicam facere, non casus, solet. Seneca in Hippol. a. 2. sc. 3. Cum seminis profluvio prorsus involuntario citra delectationem vel antecedentem, vel comitantem, vel consequentem, ali-

quis afficitur. Si delectatio accedat, vitiosus moraliter fit. Ita Oran percussus. Gen. 38. & ceremonialiter immundus semini-
flus iudicatur, quia vix sine delectatione fuit. Leu. 15. v. 16.
Vel externa, cuius actus externè in sensus incurrit. Estq; vel
verbalis, quæ spurco sermone exeritur, quæ Oscis Campaniæ in
Italiâ olim populis usitata fuit; Vnde Oscè loqui pro obscenè
loqui dicitur: Item scurrus, qui ex ore, ut dicitur, faciunt podi-
cem, contra Ephes. 5. v. 3. Vel realis, quæ externo aliquo im-
pudico opere profertur, ut gestu vel concubitu. Gestu, ut oculi,
manus, corporis, pedis, motitatione ad lasciviam compositâ. Ve
osculo, amplexu, tactu, choreis lascivis &c. Absolutè & in se
gestus est indifferens, potestq; signum esse benevolentie, pacis,
gaudij, obsequij. Ita Orientalibus oscula sunt usitata: determi-
natè ratione finis & intentionis lasciva moraliter fit vitiosus.
Conf. Syrac. 26. v. 12. Ita chorea lasciva & libidinum irrita-
trices in Repub. non sunt ferenda: sed rectè de illis Chrysosto-
mus: Esse ductus, quarum centrum sit Diabolus: Et mi-
stæ, quæ sexu commisto fiunt, potius omittenda, quàm fer-
vè exercenda sunt, ut rectè de illis iudicat D. Brochmandus
L. C. d. leg. c. 12. q. 15. Per se indifferens est chorea, V. Eccles.
3. v. 4. Per accidens illicita fieri potest. De toto hoc argumento
plura te D. Meisnerus p. 1. Ph. S. f. 2. c. 4. q. 2. & d. 12. adiaph:
D. Gerhard. d. conju. §. 471. D. Brochm. c. 1. Alstedius
c. 19. cas. Conf. §. 3. Amesius l. 5. Cas. Co. c. 39. & 23. Joh.
â Munster tr. vom vngottseligen Tanz/ aliq; edoceant.
Varias saltationum species enarrantem V. Zuingerum,
vol. 17. l. 4. p. 2511. Concubitu, quando cum objecto
illicito, aut modo illicito, concumbitur. Objecto illicito, vel
cum Damone succubi aut incubi formam ad tempus sumentes,
ut de sagis & magis fertur, de quo plura in Pneumaticis tradè
solent. Hoc scelus maximè horrendum & à naturâ humanâ a-
lienum

lienum esse debet: Vel cum bestia, qua bestialitas dicitur, quæ
 homo se infra pecudes abijcit. Hoc etiam maximè contra natu-
 ram & legem. Exod. 22. v. 19. Lev. 20. v. 15. 18. Hac apud Hi-
 bernos olim usitata, unde fons Ernus in lacum effusus totum
 tractum circumjacentem inundatione submersit. Camerar.
 C. 1. c. 81. Vel cum homine: & hoc vel sexus ejusdem, unde
 Sodomia, paderastia, qua contra legem, Lev. 18. v. 22. Et
 gentibus quibusdam usitata fuit. V. Camerar. C. 2. c. 41. 42.
 Lansium ori: con: Italiam: & Joh: Casæ publico carmine
 sceleratè laudata est: Vel sexus diversi, ut maris cum fæminâ.
 Hoc vel cum consanguineo fit, & dicitur incestus: sic Loth cum
 filiabus, Amnon cum Thamare concubuit. Vetatur Lev. 18.
 v. 6. 7. seq: Apud Nauras parentibus cum filiis stupro coire usi-
 ratum. Curt. l. 8. c. 2. vel cum extraneo, eog, vel conjugato,
 & dicitur adulterium, quod vel simplex est, cum ab unâ parte
 committentis conjugium violatur, Vt Messalina Clandij uxor.
 Juvenal. sa. 6. vel duplex, cum ab utraq, parte, ut David. 2.
 Sam. 11. Virumq, est capitale de lege divinâ, Lev. 20. v. 10.
 vel soluto, eog, vel virgine aut viduâ, & dicitur stuprum,
 quod apud Babylonios usitatum valdè erat. Curt. l. 5. c. 1. vel
 mereirice, & specialiter dicitur scortatio, ut in lupanaribus
 exerceri solet. Hac apud gentiles usitata, ut vix in vitij ratio-
 nem venerit. Terent. Adelp: a. 1. sc. 2. Vnde Act. 15. v. 20. con-
 jungitur esui sanguinis & idololythi, opinione gentilium, qua
 tum vigeat, quia indifferens habebatur. Et copulant eam A-
 postoli, non equiparant. Sed in ordinatâ Rep. penitus non sunt
 ferenda lupanaria, ut amplius in Politicis disputatur. V. Deut.
 23. v. 17. 18. Exempla libidinosorum ap. Zuinger. Vol. 7. l. 3.
 vide. Horatius ad res Venerias intemperantior creditur, & spe-
 culato cubiculo scorta disposita habuit, ut quocunq, respexe-
 rit, coitus imago ei representaretur. Sueton. in vit. ejus. Mo-

do illicito concumbitur, cum reverentia & decor conjugio debitus non servatur. Ut cum mas succumbit, femina supergreditur: Aut aliàs prapostere & lascive concubitus exercetur. Ita cum loco & tempore indebito, ante copulationem publicam, cum menstruatâ, quod capitaliter interdictum in lege Lev. 20. v. 18. congressus sit, de quibus Casiste consulantur. Remedia libidinum & antidota ap. Idrexel. l. 2. Nicet. c. 3. 4. seq: vide, quæ hoc versu comprehendit: Lectio, flagra, preces, confessio, lymphæ, labores, Portarum excubiæ, Christi præsentia, poenæ.

14. Hactenus divisio temperantiæ: subiectum ejus est vel inhesionis, quod vel ultimarum & denominationis est, estq; homo temperans: vel mediatum & informationis, estq; appetitus hominis sensitivus cognoscibilis & concupiscibilis. Cognoscibilis, quia appetitus sensitivus, ut substat rationi & regimini prudentia, est subiectum virtutis moralis, non ut brutus & rationis expers est. Vnde & in brutis vera virtutes morales non sunt. d. 2. t. 5. d. 3. t. 16. Concupiscibilis, quia temperantia appetitum edomat, ut voluptates gustus tactusque modicè appetat. t. 7. sicut fortitudo appetitum irascibilem ejusque motiones, ut pavorem, audaciam, temeritatem: Vel tractationis & occupationis, circa quod tanquam objectum occupatur, de quo t. 7. actum.

15. Ita absolutè temperantia spectata: Respectivè cum cognatis & oppositis spectatur. Cognata ejus omnes continentia sunt, quâ quis voluptatibus abstinet, etsi remisse & cum luctâ, ut interdum etiam succumbat. Vnde inter semivirtutes est cōtinentia. V. d. 9. t. 13. Opposita ejus sunt partim excessus, ut intemperantia, vitium morale modum in appetendis voluptatibus gustus & tactus specialibus excedens. Hoc per species t. 10. II. seq. visum: partim defectus stupor, insensatio & natura

tura quadam aut sensus communis dedolentia, quâ ne licita quidem voluptates gustus aut tactus appetuntur, Cui vicini fuerunt Stoici, affectus non domandos, sed eradicandos esse dicentes. V. Hornejum 2. Eth. c. 6. n. 8. Plateanum l. 2. Ec. Chr. c. 15. Species ejus t. 10. 12. visa.

16. Fuit considerata Temperantia: Sequitur virtus moderans appetitum irascibilem circa terribilia occupatum, quæ est fortitudo. Ordinis in câratio ex th. 3. patet. Consideratio ejus nominalis & realis est. Nominalis 1. In homonymiâ, quâ sumitur interdum pro robore corporis, *Ut in illo: Leo fortis est, & occiditur: Tigris fortis est, & occiditur.* Sic equi fortissimi in praelio dicuntur. V. Vallesium c. 55. sac. Phil. Ita Milo fortis dicitur, qui arborem fissam distendere potuit. Interdum in sacris pro efficacîâ Dei, in quâ pîj confidunt. Exod. 15. v. 3. 2. Sam: 27. v. 2. 19. Interdum pro viris fortibus, Esai. 3. v. 25. Interdum pro gloriâ fortitudinis. Ps. 29. v. 1. Ps. 96. v. 7. Interdum pro operibus & factis fortibus. 1. Reg. 22. v. 46. Interdum pro confidentiâ animi, quâ adversa aut terribilia tolerantur. Sic vel pro apparente fortitudine sumitur, qualis in hypocritis est, alijsq̃, qui alio, quàm honestatis fine fortiter agunt, qualis est fortitudo Politica & civilis, quâ vel spe præmij & honoris, vel pænæ formidine fortiter agitur. *Ut cum cives fortiter se defendunt, quia fugientes infamiâ noxantur, ut apud Lacedæmonios; alia ejus exempla Aristoteles in Diomede & Hectore ex Homero profert 3. Nicom. c. 11. Vel coacta, cum fortiter agitur, quia effugere non datur. Sic Agathocles naves concremabat, ne in Siciliam miles reverti posset: Vel experimentalis, cum pericula adeuntur confidentiâ peritiæ & experientiæ, quam quis de periculis habet, ut in athleticis & militibus veteranis est: Vel iracunda, cum quis irâ & vindictâ amore stimulatus periculosa adit, qui pugna*

potius quam fortis est. Quomodo & bestia interdum audent. V. Scalig. ex: 209. s. 2. Vel fiduciaria, cum auxiliorum & victoriarum obtentorum fiduciâ pericula subeuntur. Ut cum scimus sapè nos vicissè: copiâ, armis, socijs, corporis robore, membrorum stupefactione, alijsq; medijs hoste superiores esse: Vel stolidâ & inexpertâ, cum ex ignorantia periculi ardua subeuntur. Sic dulce bellum inexpertis dicitur. Parum in adversis hac durare solet. Et temeritas ubi primum impetum effudit, velut quaedam animalia amisso aculeo, torpet. Curt. l. 4. c. 14. Vel pro verâ & reali fortitudine, quæ verè mediocritatem à prudenti ratione præscriptam servat in formidabilibus honestatis gratiâ. Ita hic sumitur. 2. In Etymologiâ, quæ Logica nulla: Grammatica à forti, & hoc à ferendo, quod fortis proprium sit, adversa aequè ferre, & hoc à Græco Περαι. 3. In Synonymiâ, quâ dicitur etiam animositas, virilitas, Interdum virtus in genere, ut d. 3. t. 2. notatû: periphrastice habitus formidinem expellens: Græcis ἀνδρεία ab ἀνδρῶν, quod maximè Virum decens sit. Vnde Philo in l. de Abraham virtutem masculino genere dicendam fuisse ait, τοῦ ἀνδρῶν, non femineo, τῆς ἀρετῆς, quia mascula res sit, & à Marte, ἀρεῶς, dicta, non muliere. Et inter animam probi & virtutem velut conjugium sit, ubi virtus feminino nomine dicta Viri & Patris officia exequatur, anima mulieris & matris, & se à virtute regi patiat. Quod exprimens Poëta: Est mascula certè, Foemineo velata licet sit nomine, Virtus. Garassius in sacr. Rhemen. p. 5. Hebræis גבורה, גבר, אצו, ab אצו roborare, &c. Germanis Tapfferkeit / Manheit / Mänligkeit / Manhaftigkeit / onderzagheit / Mutigheit &c.

17. Reali fortitudinis consideratio & absoluta erit in definitione, causis, subjectis, & divisionibus: & respectiva in cognatu & oppositu,

18. *Definitio sit:* Fortitudo est virtus moralis directâ, mediocritatem prudentiæ servans in formidabilibus, honestatis & publicæ utilitatis gratiâ.

19. *Ex genere dicitur virtus moralis directâ. Quæ verba ex d. 3. t. 17. patent. Ex differentiâ dicitur mediocritatem prudentiæ in formidabilibus honestatis & publicæ utilitatis gratiâ servans. Hoc & à modo versandi in fortitudine & objecto, & fine ejus sumitur. A modo versandi dicitur mediocritatem prudentiæ servans. Mediocritas prudentiæ est perfectio moralis inter extrema, excessum & defectum, prudenter procedens. Ita fortitudo perfectionem hanc moralem servabit, & Stoicum stuporem, & immoderatum timorem excutendo; Animumq; masculè disponendo & in aggrediendo, & progrediendo, & desistendo. Fortis & alacriter aggreditur, & perseveranter progreditur, & feliciter egreditur. Aggrediendo, ut formidabilia aggrediatur Vir fortis confidenter & prudenter. Confidenter, ut animo erecto & alacri sit, & bonarum rerum spe ac expectatione se sustentet. Prudenter, ut partim finem, partim media ad finem, partim objectum circa quod versandum, destinato consilio meditetur & eligat. Finem, ut is sit honestus & publicè utilis. Nam finis mediis amabilitatem & appetitum conciliat. Ita ardua, adversa, & periculosa, etsi fortis, ut homo est, sint molesta, non enim truncus, sed animalest: Ut tamen finem, honestatem & publicam utilitatem intendit, ei fiunt suavia, & sic subit, perfert, & vincit illa, inq; ipso dolore exsurgit animosior, ut aurum ex igni prodit luculentius. Aliàs pericula adire, mortem & vulnera oppetere non debet Vir fortis cujuscunq; gratiâ, sed honestatis & publicæ utilitatis causâ. Extra illos fines vitam non prodigere, sed retinere debet. Tinetur n. se servare patria & publico usui, non eripere. Hinc illud: Fortis nec temerè se peri-*

periculis obijcis, nec animum in illis abijcit. Sic Demonax a-
quam ferventem refugiens & ob id meticulosus dictus, quid,
respondit, an hoc pro patriâ passurus essem? Erasmi. l. 8. apoph.
Notans, temeritatis esse, pericula ob causam non gravem & ho-
nestam subire. Idem Chilon monuit ap. eundem l. 2. §. 29. in
Chilone. Fortium n. virorum est, magis mortem contem-
nere, quàm vitam odisse. Curt. l. 5. c. 9. Sic Varroni post
cladem Cannensem gratia acta, quòd vita consulisset, sequè
Reipublica servasset: cum Collega ejus L. Paulus fugere ab-
nuens, in saxo vulneratus per sedisset, donec ab hoste confo-
deretur. Livius l. 22. c. 61. 49. Sic inter Ajacem & Vlysem
cum contentio esset de armis Achillis, Vlysi ea sunt adjudicata,
quòd Ajax pugnax quidem esset, sed Vlysses praterca prudens,
adeoq; verè fortis. Cocin9 præfat. Hermogenis. Ovid. 13.
Metam.

20. Media, ut illa ad honestatem & publicam utilita-
tem conducant. Vnde medium prorsus ambiguum & publica u-
tilitati periculosum vel inhonestum non eliget Vir fortis. Am-
biguum, quòd dubia veritatis est, & tam à parte injusti, quàm
justi esse potest. Tale est monomachia & duellû, cujus even-
tus maximè est ambiguus. Sic Marius noluit cum provocato-
re Teutono congregi, sed, si cupidus mortis esset, laqueo ipsum
vitâ abire posse, respondit. Frontinus l. 4. Strateg. c. 7. Qui-
dam duella subeunda putant, si publicâ Magistratus auctori-
tate & pro bono publico incantur. Ita cum princeps se imparem
exercitui hostili videt, ad dirimendum bellum duellum elige-
re potest. Et bellum mutare in duellum. Tunc ex sufficiente
causâ periculum mortis adiri putant. Per mortem enim priva-
tam unius intenditur liberari à publico periculo mortis vel in-
ternecionis totus exercitus. In quo casu justissimam mortis
subeunda causam esse putant. Nam malitia duelli in eo est, quòd
mors

mors non ex sufficiente causâ eligitur. Ut cum ad ostentationem virium, voluptatem spectantium, vindicandam injuriarum privatam, indagandam veritatem aut justitiam, defensionem proprij honoris, bonorum temporalium, aut vita, cum sine duello ea defendi potest, &c. eligitur. Ita Cajetanus q. 95. a. 8. Navarrus in man. c. 11. n. 39. Valencia T. 3. d. 3. q. 17. p. 1. Becanus p. 2. T. 2. Th. Sch. c. 26. q. 1. 4. Strevesdorf d. just. & ju. q. 64. a. 3. q. 6. Alstedius ethic. 3. c. 13. §. 3. & Th. Casu. c. 18. th. 2. n. 42. Keckerman. l. 2. Eth. c. 4. & d. 32. Curs. Phil. q. 8. Velstenius dec. 5. Eth. q. 9. D. Meißnerus l. 4. d. legib. §. 1. q. 21. D. Jac. Martin; C. 5. d. 8. q. 8. alij q. Sed cum eventus duelli sit dubius, & penes injustum felix esse possit, non est medium, quod à fortitudine prudenter eligi aut præscribi possit. Prudentia enim non dicitur media privata prorsus ambigue veritatis, quæ tam in injusto & improbo, quàm justo esse possint. Nisi peculiaris quedam accedat circumstantia, v. g. impulsus divinus, ut in Davide. 1. Sam. 17. aut alioquin indicium aliquod, quo à DEO peculiariter ad aliquid incitari videamur, ut in heroicis ingenijs interdum est. Sic Scanderbegus ad pugnas contra Turcas heroico impetu incitabatur. Camerar. C. 1. c. 82. Ita & de eventu felici confidentes erimus. Secus veritatem aut justitiam duello dyjudicare, est proprium hominis, ut justitiam, veritatem, per proprium belluarum explorare, ut robur, vires corporis, agilitatem, quod insolentissimum. Et ex bello facere duellum diffidentie vicinum est. Potius cause bonitati fidendum, nostra agenda, Deo eventus committendus: & fidendum, æq. ipsum per paucos si inferiores viribus simus, ac plures juvare posse. V. Deut. 32. v. 30. 2. Paral. 14. v. 11. 1. Sam. 14. v. 6. 1. Macc. 3. v. 8. Sic Lucullus contra Tigranem decertans s. suorum amisit, & 100000. hostium trucidavit. krasn. l. 5. apoph. in Lucul. §.

13. 16. *Casar. 50000. delevit, in Juba, Afranij & Scipionis castris, vix 50. suorum desideratis.* Plutarch. in *Cæs. Galli* 1500. in *Hungariâ* 300000. *Turcas devicerunt.* P. Matthæus l. 6. hist. Franc. nar. 4. §. 8. *Et ita duella prohibentur in jure Canonico.* Can: Monomachian 2. q. 4. & c. significantibus. Concilio Tridentino ses. 25. c. 19. *Et à Theologis reprehendi solent.* V. D. Balduinum l. 4. Cas. Conscient. c. 1. q. 12. D. Brochm: L. C. d. leg. c. 12. q. 4. Danaum inl. 2. Eth. Chr. c. 13. p. 192. Martinium in piet. Chr. l. 2. c. 6. p. 297. Amesium l. 5. Cas. Consc. c. 32. P. Martyrem. in 1. Sam. c. 17. & clasf. 4. L. C. Loc. 18. *aliosq.* Hortomannus *furiosas probationes appellat, ad fin. lib. d. feud. Aliud autem est, violentiâ injusti invasoris coactè in duellum incidere, quod nisi capeffas, de vitâ periclitari, ubi duellum est licitum, quomodo necessaria inculcata tutela defensio de jure naturali est licita: Aliud, spontè in duellum & ex conditio promittere, s. publicæ rei s. private causâ; Quod partim temerarium, partim illicitum, utrumq. vera fortitudini adversum est. Duellatorum aliâ exempla in sacris 1. Sam. 17. v. 48. 49. 2. Sam. 2. v. 15. In profanis ap. Curtium l. 7. c. 4. l. 9. c. 7. Camerar. C. 2. c. 19. 20. 21. D. Jac. Mart. c. 1. Keckerm. disp. 32. c. 1. Zuingerum Vol. 17. l. 4. p. 2523. Pet. Messiam l. 2. mem. c. 8. & l. 4. c. 8. *aliosq. vide.* Medium inhonestum & illicitum, quod honestati sanèq. rationi repugnat. Tale est homicidium, proditio, veneficium, dolus illicitus. Nam finis virtutis sub formali honestatis intendi debet. dis. 2. t. 14. Non potest autem formale honestatis servari, Vbi media sunt inhonestæ. V. c. l. t. 9. Ita Fabricius respuebat venenum à Medico oblatum ad interficiendum hostem Pyrrhum, eoq. verè fortis erat. Alij hostium aquas intoxicabant, ut eos tollerent, eoquè minus fortes erant. V. d. 3. t. 9. Alij sicarios in capita hostium conduxerunt.*

perunt. Ut Darius in Alexandrum. Curt. l. 4. c. 10. II. Alij in alios, quos sublato voluerunt. Camerar. C. 1. c. 30. C. 2. c. 7. Et vera fortitudinis laude exciderunt. Dolus inhonestus est in mendacijs, periurijs, fidei elusionibus, equivocationibus, violationibus. Exempla eorum Idem C. 2. c. 77. 78. habet. Doli tamen liciti hic excipiendi, & honesta, ut vocant, furta, ut sunt strategemata militaria, hostis elusiones extra fidem violatam. Sic Parmenio suadebat Darium noctu aggredi, quâ major terror inferri posset. Sed Alexander renuebat ita vincere, quanquam aliâs id licitum erat. Curt. l. 4. c. 13. Obiectum etiam forti ponderandum, ut sit honestum, utile, & laudabile. Vnde cum pericula obeunda ventunt, ex quibus nec utilitas, nec laus aut gloria speranda, jure dolere potest, cum Achille, ubi se in Scamando fluvio periturum videbat, ap. Homerum l. 21. Iliad. Aeneâ, naufragium instans metuente ap. Virgilium l. Aeneid. v. 98. 99 seq. & Alexandro, ignobili morte vi morbi, ereptâ è manibus victoriâ, se extinguere debere dolente ap. Curtium l. 3. c. 5.

21. Progrediendo, *Ut rem ceptam partim animosè administret, sic Abraham cum 300. Viris animosè Reges s. invasit & oppressit. Gen. 14. partim constanter continuet, & patienter sufferendo difficultates, unde qui difficultatibus succumbunt ex impatientiâ, minùs sunt fortes, ut Cato Vicensis, se interficiens: & acriter propositum urgendo, nec secundis animum extollendo, nec adversis deprimendo. Vnde Horatio Fortis & in seipso totus teres atque rotundus dicitur. l. 2. sa. 7. Sic Cato mutatâ Reipubl. formâ ipse constantissimus in proposito perseveravit. Desistendo, ut & tempus desistendi à fortibus factis legitimum servetur, & modus desistendi convenienti adhabeatur. Tempus, ne desistatur, quando res non desistere, sed pergere requirit. Sic Caligula malè in Italiam se*

recipiebat, & conchas marinas veiat spolia Capitolio debita referebat, cum hostem Germanum vix vidisset, minùs profli-
gasset. Sueton. Calig. c. 43. 46. Modus desistendi, ne finten-
do fortia facta savitia aut in miseros exerceatur, aut plus
sanguinis desistendo fundatur, quàm pugnando fustum erat. Ita
Caligula post bellum legiones quasdam contrucidare voluit.
Idem c. l. c. 48. Persa crudeliter in 4000. Gracos captos savi-
runt post pugnam, manibus, pedibus, auribus quibusdam re-
sectis, & barbararum litterarum notis inustis. Curt. l. 5. c. 5.
Quidam & in cadavera saviunt, ut Achilles in Hectoris, ap.
Homer. l. 10. Iliad. Alexander in Batys, ap. Curt. l. 4. c. 6.
Sylla in Marij. V. Camer. C. 1. c. 3. Hic illud cogitandum:
Cessat post funera livor. Et pugna tuum finem, cum ja-
cet hostis, habet. Fortis irasci potest, sed ira modum tem-
pusq. ponere potest.

22. Ex objecto dicitur fortitudo mediocritatem serva-
re in formidabilibus. Objectum fortitudinis est, circa quod
domandum frandandumq. illa occupatur. Hoc vel internum es-
se potest, quod in ipso forti est: estq. affectus irascibilis, ut me-
tus & confidentia, ut illos ad prudentem moderationem forti-
tudo redigat: vel externum, quod extra fortem est, cumque
circumstat, estque generaliter omne Terribile, πᾶν Φοβερόν,
quod homini timorem incutere potest. Hoc est vel supra ho-
minem, quod hominis capacitatem animumq. excedit. Estq.
vel divinum, ut Eclipsis Solis tempore patientis Christi, tene-
bra Ægyptiaca, diluvium Noëticum, inundatio maris rubri
adversus Pharaonem & milites ejus: Vel magicum, ut spectra
& terribilamenta diabolica: vel physicum, ut tonitrua, ful-
gura, terramotus, incensiones tempestatum, grandines, inun-
dationes, similesq. ira divina prodromi: Hæc metui à forti
possunt, quia per suas animi vires nihil potestatis homo habet

ad illa producendum, aut facultatis ad avertendum. Et quæta-
lia non metuunt, aut athei sunt, aut insani, aut insensui. Ita
Xerxes mari catenas injici, plagasquæ infligi jussit. Psylli con-
tra ventos bella gerebant: Celta contra fluctus marinos: & è
corrueutibus adificijs non egrediebantur, quamvis possent. He-
rodot. lib. 4. Lansius Or. p. Galliâ. Salmonis Aegypti R.
super ponte aeneo currus agendo fulmina imitatus est. Caligu-
la machinam, πέλροβίδον, habuit, quæ tonitrua fulguraq; e-
mulabatur. Idem Cosroes Persarum Rex fecit. Camerar. C. 2.
c. 28. Et Alladius Vir impius & tyrannus, veris tandem ful-
minibus absumptus. Melander T. I. jocos: c. 566. Athenodo-
rus adeis ob spectra infames ultrò inhabitavit, & occurrens spe-
ctrum cum lychno ad locum, ubi evanuit, comitatus est. Plin.
l. 7. ep. 27. Democritus Abderita nihil spectrorum verè exta-
re arbitratus, cum à juvenibus quibusdam larvarum speciem
ferentibus terretur, desistite tandem, dixit, nugari. Came-
rar. C. I. c. 72. Brutus spectro se terrenti, & ad Philippos me-
videbis, dicenti, interritus, Vidèbo, respondit. Omnes præter
rationem, & extra veram fortitudinē: Vel infra hominem,
quod vilius est, quàm ut ab homine timeri debeat, ut concussio
foliorum arboris, inferior conditio in ludo, figmenta anilia:
vel circa hominem, quod humanam conditionem non exce-
dit, & vitari ab homine potest.

23. Tale quid vel formidandum forti absolutè est, ut
omne vitiosum, inhonestum, fama honestatig; dedecus inu-
rens: Verè n. fortis mortem potius subit, quàm ad inhonesta
defleat: Et vitiosa totaliter cavet fugitq;, si non satis time-
re est: Vel comparatè, & modò metuendum, modò assumen-
dum. Hoc indifferens & neutro modo se habens est. Sic formi-
dandum, si quis propriâ culpâ in carcerem trudatur, supplicio
afficiatur: non formidandum, si virtutis ergò aut alieno sce-

lere. Tale terribile indifferens vel primarium est, quod maximè omnium terribile, estq. mors moralis honesti gratiâ inflicta, terribilium terribilissimum Aristoteli 3. Nicom. c. 9. Non naturalis, morbo vel senio illata, nec prorsus fortis a. violenta, cum ruinâ, incendio, fluctibus, &c. improvisò quis hauritur: Sed moralis, ob causam positivam moralem subeunda. Hac vel in militiâ & sago spectatur, estq. mors bellica honestatis & legitima cause gratiâ suscepta: hac inprimis hic attendi solet, quæ pulcherrima ob decorem, difficilima ob certamen, honestissima ob causam & intentionem: vel pace & togâ, cum extra bellum in statu pacato ob honestam causam mors sustinetur, ut ob veram fidem, innocentium defensionem, virtutem peractam, opus caritatis, religionis, honestatis. Huc mors Martyrum pertinet, quæ pretiosa coram Deo, & qui verè fortes dici possunt, sed in fine spiritali. De quib. Guckium d. Eth. 5. q. 3. Eustach. S. Pauli p. 3. Eth. t. 3. f. 3. q. 2. Lessium l. 3. d. iust. & jur. c. 1. dub. 2. aliosq. videas. Etsi Aristoteli de tali fortitudinis specie nihil cognitum fuerit. Quidam ipsos heroës vocant, & ipsum Christum heroem, ut Bembus. Contrà sentit Scaliger, vocem impiam & gentilem esse, ex semisse Deum & hominem notantem, monstrorum figmenta exprimentem. V. Taubman. in Cul. Virgil. v. 354. Vel secundarium, quod est omnis adversitas homini incurrens, ut exilium, carcer, ablatio bonorum, infamia, paupertas, miseria, labores, molestia, mendacia, calumnia, opprobria, contemptus, injuria, &c. Quorum quædam contemnenda, ut mendacia, calumnia, opprobria, injuria: quædam subeunda & superanda, ut labores, molestia: quædam sufferenda, ut paupertas, miseria, exilium, carcer, &c. Cogitandum, ad hoc sacramentum adactos nos esse, ferre mortalia: nec perturbari his, quæ vitare nostra potestatis non est.

est. Optimè miseras ferre, qui abscondant. &c. Plura horum ap. Senecam l. quod in sap. n. c. i. c. 8. 9. de tranq: anim. c. 10. 11. 12. Curtium l. 5. c. 5. (Cui simile quid in Euphormione p. 5. c. 5. reperies) Jonstonum l. 3. Eth. c. 2. m. 5. videas. Virumq; formidabile aut est repentinum & subito ingruens, Contra hoc animum semper instructum geret fortis, & accidere sibi posse cogitet, quodcunque potest. Serò enim animus ad periculorum patientiam post pericula instruitur: & si non, quidquid fieri potest, pro futuro habes, das in te vires rebus adversis, quas infregit, quisquis prior vidit. Vide pulcrè Senecam d. tran. an. c. 11. & l. 3. d. irā, c. 37. Magis etiam percellunt repentina, & magis acquisiti habitus indicium, etiam subita fortiter expedire posse: Aut prævium & præsцитum, de hoc dici solet: Tela prævisa minus nocent. Et, levius solet timere, qui propius timet. Senec. in troad. a. 3. l. 1. Ita Socrates post savas debacchationes à Xantippe lotio perfusus, sciebam inquit, post tot tonitrua pluviam secuturam. Ex fine fortitudo medium servare dicitur honestatis & publicæ utilitatis gratiā. Hec ext. 19. patent.

24. Visa est definitio fortitudinis, ex eā objectum & finis: Causæ ceteræ ex parte per d. 3. t. 15. patent. Subjectum ejus est vel denominationis, ut homo, mas primarium, Cujus exempla Hornejus l. 2. Eth. c. 6. n. 7. & l. 3. c. 5. n. 7. Zuinger. vol. 6. l. 3. 4. suppeditant. De Adamo hic quæri solet: an in eo integro locum habuerit fortitudo? Habuit ratione habitus & per eminentiam quandam, etsi non ratione actus & objecti adversi, quod in statu summè felice locum habere non potuit: Nec ratione extremorum, timoris & audaciæ, quæ ibi non fuerunt. Deinde fuit in Adamo habitus concreatus, non acquisitus, ut in nobis. Conf. Chr. Matthi. l. 3. Eth. ex. 2. q. 1. fœmina secundarium, quarum exempla ap. Curt. l. 5. c. 6. l.

6. l. 6. c. 5. Apolephtem p. 1. erquit. p. 547. seq: p. 2. p. 199. seq. Zuinger. c. l. l. i. vel inhaſionis, ut voluntas & appetitus irascibilis, cujus motus cum primis fortitudo coërceat. V. t. 22. Ex divisionibus fortitudo vel est suscipiens, quæ φοβεγα aggreditur, vel tolerans, quæ perferi. Vnde illud Epicteti: ἀνέχεσθαι καὶ ἀπέχεσθαι, sustine & abſtine. *Leid ond meyd* / in fortitudine praxi exprimendum. *Viraq;* vel togata, quæ in pace adversa ſuſtinentur: hæc vel privata & domestica, quæ in familiâ privatâ eſſe poteſt, vel publica & Politica, quæ in prudenti Reip. administratione exercetur: vel ſagata, quæ in bellicâ administratione exercetur. Ita pericula adire, annonæ penuriam ferre, mortem etiam intrepidè ſubire fortem bellatorem docet. Sed an hæc Chriſtiano digna, adeoque an uni-verſè bellum Chriſtiano gerere liceat, hic quaeri ſolet? Nam ex Veteribus Tertullianus, ex novellis Anabaptiſtæ, Phoriniſtæ, Paraceliſtæ, Stiefeliſtæ, Weigeliani, Arminiani, Eraſmus, Agrippa, novi Prophetæ, & alij, bellis Chriſtiano-rum ſunt iniquiores, ut alibi plurib. dicetur. Scriptura tamen concedit indiverſim, bella licere, non Chriſtianos excipit. Matt. 22. v. 21. Luc. 3. v. 14. Rom. 13. v. 4. De quo toto plura D. Gerhard. d. Magiſt. §. 75. 76. 369. ſeq: D. Brochm: L. C. d. Magiſt: c. 2. q. 10. Ameſium l. 5. caſ. Conf. c. 33. Alſtedium Th. Caſ. c. 18. §. 3. Sohnium T. 3. op. exeg. in Pſal. 60. p. 168. ſeq. alioſq; videris. Ex gradibus fortitudo etiam uſitata & inuſitata dici poſſit, quæ & magnanimitas vocatur. De his d. 6. t. 20. ſeq. quadam agentur.

25. Ita abſolutè fortitudo ſpectata: Reſpectivè cum cognatis, diſparatis, & oppoſitis ſpectetur. Cognata ejus ſunt partim fortitudinis impropria ſpecies, t. 16. tractata: partim patientia Philoſophica, malorum inevitabiliū æquabilis tolerantia, quæ levius fit, quidquid corrigere eſt neceſſe. Horat. l. i. od. 24.

Ita

Ita Carolus V. in articularis morbi doloribus optimum medicum dicebat patientiam & modicum clamorem. Sedult / vñd ein wenig schreyen. Manlius Collect. p. 755. De hac dicitur: Ferre decet patienter onus, quod ferre necesse est; Qui jacet in vitius, durius illo jacet. Ejus exēpla ap. Valer. M. l. 3. c. 3. Apolephten p. 1. erquidē p. 550. seq. vide. Voci significata discutit Timpler. c. l. q. 5. partim tolerantia, de quā d. 9. Disparata sunt omnes habitus intellectuales & morales. Ex moralibus hic queritur: Vter præstantior, fortitudo, an justitia? Agesilaus justitiam prætulit, quòd omnib. justis nullus usus esset fortitudinis. Erasmi. 1. apo. in Ages. §. 60. Disting. hic inter justitiam Vniversalem & particularem: & inter utilius & præstantius, ex 3. Topic. c. 2. Fortitudo potest esse præstantior, sed justitia eligibilior & utilior. Ita Arist. c. l. c. 3. justitiam ἀρετῶτερον τῆς ἀνδρείας vocat. Vide & Scalig. ex. 106. f. 2. Opposita ejus sunt vel apparentia, vel vera. Apparens fort: Oppositum est religio Christiana Machiavello l. 2: comm. c. 2. quæ gloriam humanam abijciat, animosq. imbelles & demissos reddat: cum Ethnica animos excelsos & audaces gentilibus conciliavit. Mendacissimè. V. Antimachiau: l. 2. Comm. th. 3. Vera sunt primaria vel secundaria. Primaria excessus & defectus. Excessus audacia & illicita confidentia, nimia in adeundis periculis sine ratione fiducia. Hæc in illis, qui solâ regnandi libidine alios invadunt, bella movent, terras sibi arroganti. Qui scientes in injustâ causâ militant: duellatores & provocatores temerarij. V. t. 20. facinorosi, qui tormenta intrepidè sustinent, quæ sceleribus justè meruerunt. Quos Agesilaus insigniter miseros dicebat, ut qui tolerantiam in res flagitiosas collocarent. Erasmi. l. 1. apo. in Agesil. §. 4. Ita sage lacrymas in sorturâ non emittunt, etsi mulieribus illæ familiares. Bodin. l. 4. dæmon. c. 1. Camerar. C. 2. c. 26. Περικλῆς οὐδὲν οἶοι, qui pericula de industriâ rapiunt, non oblata capiunt, quæ subire non tenentur. Vt Ascanius, qui optat aprum aut fulvum descendere monte leonem, ap. Virgilium 4. Aeneid: Gladiatores temerarij, qui spurci lucri gratiâ in vulnèra & mortes ruunt, sibiq. nocere intendunt. Quod certandi genus a-

pud Ethnicos usitatum, apud Christianos ferri non debet, sed severis-
sime interdici, exemplo Christianorum Imperatorum. V. Codic. l. II. c.
43. Confer D. Balduin: l. 4. Cas. Cōsc. c. 1. q. II. Brochm: L. C. d. leg.
c. II. f. 4. q. 4. Amesium l. 5. Cas: confc. c. 32. Hic & alibi prae mys in-
citantur talia certamina: sed malè, & contra I. Cor: 13. v. 5. Defectus
est timiditas, vitium, etiam vilissima & infra hominem posita perti-
mescentes: Ut pusillanimes, molles, & effoeminati, qui solj strepitum movē-
tur: delicati, & quarumvis arumnarum impatientes: facile & vilè
de causâ lacrymantes, ut pueruli, muliercula: aliàs justis causis profu-
sa lacryma non mollem arguunt, ut lacryma poenitentia Petri, con-
dolentia Christi, gaudij. Autocheires & proprij jugulatores, qui impati-
entes magis & timidi sunt, quàm fortes: succumbunt n. oneri, quod
ferre debebant, ut Saul, Curtius, Pilatus, Judas, Cato, Saguntini, Vxor
Asdrubalis, alijsq, quorum exempla passim prostant. V. Valer. M. l. 3. c.
2. Flor. l. 2. c. 6. 15. 18. Cæsarem l. 5. bel. Gal. c. 33. Camerar. C. 3. c. 78.
Apud gentiles admittebatur autocheiria & laudabatur. Lipsius ex
parte illam probat in summâ necessitate, ut si quis paulò ante tempus
ex adibus conductis decedat. Cen. 2. ep. 22. Hieronymus in Ionam,
Ambrosius l. 3. de virginit: castitatis servanda causâ eam admittunt.
Stoici & Plato approbârunt. V. Eundem l. 3. manud. c. 22. Sed malè
omnia, ut c. 23. probat. Rectè Plato in Phædone injussu imperatoris
neminem è præsidio secedere oportere dixit, Ut pulcrè explicat Macro-
bius l. 1. in som. Scip. c. 13. Contra legem Dei, natura, sana rationis,
& civilem est, sibi ipsi vitam eripere, qua ad utendum data est, non
eripiendum. Nec ex adibus ante discessum exire oportet, si te mansurū
condixeris, Quod omnis natura civis fecit. Sic masculè Darius alieno scelere quàm suo mo-
ri se malè dicebat. Cure. l. 5. c. 12. Plurib. hac de re vide Sigfridum pecul. tract. d. aut.
cheiria. Augustin. l. 1. d. C. D. c. 26. D. Gerhard. d. mort. 9. 67. D. Brochm. L. C. d. leg. l.
4. q. 1. c. 11. Lipsium l. 3. manu. c. 1. Muretum l. 4. V. L. c. 2. aliosq, Secundaria fortitu-
dinis opposita omnes illi sunt, qui gentilibus, ut Alexandro, Pompejo, Cæsari, veram for-
titudinem bellicâ negant, quod sine fide Christianâ fuerint, Ut Augustinus, Hierony-
mus, & alijs. De quo D. Meisnerum d. 21. Antrop: q. 14. vide. Antiputeanus quidam Cæsa-
teram litt. l. Principem Auriacum nec fortem, nec prudentem judicat, quod hæreticus sit.
Ineptè utrumq, Cum definitio t. 18. tradita ei citra fidem Catholicam compete-
re possit, Et hac de Temp. & Fortitudine per theses dicta sufficiant.

tion
ere
and
re.
li-
tor
are,
∞
Ho-
r h
pe-
.

